

Na osnovu Odluke Vlade Bosansko - podrinjskog kantona Goražde, broj: 03-11-2123/21 od 26.11.2021.godine, o davanju saglasnosti na Program utroška sredstava Kantonalne uprave za šumarstvo- Ministarstva za privredu sa ekonomskog koda 614100 – Tekući transferi drugim nivoima vlasti (šumarstvo) za 2021.godinu, Kantonalna uprava za šumarstvo -Ministarstva za privredu,Bosansko-podrinjskog kantona Goražde,o b j a v l j u j e:

JAVNI POZIV

za dostavljanje prijedloga Projekata za finansiranje iz Programa utroška sredstava Kantonalne uprave za šumarstvo - Ministarstva za privredu, utvrđen u Budžetu Kantonalne uprave za šumarstvo - Ministarstva za privredu Bosansko-podrinjskog kantona Goražde za 2021. godinu

I Predmet i svrha javnog poziva

Predmet javnog poziva je prikupljanje prijedloga Projekata za sufinansiranje iz budžeta Kantonalne uprave za šumarstvo - Ministarstva za privredu Bosansko-podrinjskog kantona Goražde u okviru Programa utroška sredstava Kantonalne uprave za šumarstvo- Ministarstva za privredu sa ekonomskog koda 614 100 – Tekući transferi drugim nivoima vlasti (šumarstvo) za 2021.godinu.

Svrha Javnog poziva jeste stvaranje uslova za održivo gospodarenje šumama, povećanje šumskog fonda, kroz njegu već podignutih šumskih zasada i održavanje čistoće unutar šuma i na šumskom zemljištu, kako bi novopodignuti šumski zasadi imali optimalne uslove za rast i razvoj i kako bi u budućnosti bile kvalitetne visoke šume sposobne da u cijelosti daju doprinos u ekonomskom, šumskom i u pogledu općekorisnih funkcija šuma na području Bosansko-podrinjskog kantona Goražde.

II Ciljne grupe

Na javni poziv mogu aplicirati privredna društva sa područja Bosansko-podrinjskog kantona Goražde, registrovana za obavljanje poslova iz oblasti šumarstva i koja ispunjavaju uslove iz Programa „Podsticaj za šumarstvo“ za 2021.godinu.

III Opšti ciljevi programa

Osnovni cilj programa jeste pružanje podrške poslovnim subjektima registrovanim za obavljanje poslova u šumarstvu u aktivnostima koje doprinose stvaranju uslova za održivo gospodarenje šumama kroz povećanje šumskog fonda, njegom već podignutih šumskih zasada i održavanjem čistoće unutar šuma i na šumskom zemljištu, a sve radi općeg interesa koji proističe iz općekorisnih funkcija šuma i dugoročnih ciljeva zasnovanih na principima održivog gospodarenja šumama na području Bosansko-podrinjskog kantona Goražde, i u skladu sa strateškim ciljevima utvrđenim u Strategiji razvoja BPK-a Goražde za period 2021 - 2027. godina.

IV. Posebni (specifični) ciljevi programa su:

1. Njega šumskih zasada na području ŠGP „Bosansko-podrinjsko“.
2. Uklanjanje divljih deponija iz šuma i sa šumskog zemljišta na području ŠGP „Bosansko-podrinjsko“.

V. Uslovi finansiranja

Aplikant može dostaviti više prijedloga Projekata, ali maksimalno jedan prijedlog projekta za finansiranje aktivnosti u okviru specifičnog cilja.

Ukupan budžet predloženih projekata koje aplikanti dostavljaju za finansiranje, ne može biti manji od 2.000KM i veći od 70.000KM.

Minimalni i maksimalni iznos granta je u rasponu od 2.000 do 30.000KM. Aplikanti su obavezni da osiguraju vlastito učešće u finansiranju Projekata u iznosu minimalno 20 %

VI. Pravo učešća na Javnom pozivu

Opšti uslovi za učešće aplikanta u programu su:

- Da imaju registraciju na području Bosansko-podrinjskog kantona Goražde;
- Da su registrovani kao privredna društva koja obavljaju poslove u šumarstvu;
- Da se ne nalaze u procesu stečaja ili likvidacije ili blokade računa;
- Da se prijedlog projekta kandiduje u skladu sa odredbama ovog Programa.

Privredni subjekti su pored opštih uslova obavezni ispunjavati i sljedeće uslove:

- Da su registrirana minimalno dvije godine od dana dostavljanja aplikacije,
- Da su registrovana kao društva ograničene odgovornosti ili dioničarska društva koja ispunjavaju uslove za obavljanje poslova iz oblasti šumarstva,
- Da imaju minimalno 20 (dvadeset) stalno zaposlenih radnika,
- Da djelatnost obavljaju na prostoru Bosansko-podrinjskog kantona Goražde,
- Da nemaju neizmirenih obaveza za poreze i doprinose, osim obaveza za koje su obuhvaćene ugovorom o reprogramiranju obaveza,
- Da su dostavili izvještaj o namjenskom utrošku sredstava za odobrena sredstva od strane Vlade Bosansko-podrinjskog kantona za proteklu godinu,
- Da su ispunili ugovorene obaveze po odobrenim grantovima Vlade Bosansko-podrinjskog kantona u zadnjoj godini

VII. Odabir korisnika sredstava

Sve dostavljene prijedloge Projekata u skladu sa odredbama Programa, procjenjuje Komisija imenovana od strane Direktora Kantonalne uprave za šumarstvo- Ministarstva za privredu Bosansko-podrinjskog kantona Goražde.

Nakon provedene procedure apliciranja, selekcije i evaluacije, najbolje rangirani prijedlozi Projekti će biti odobreni nakon što Vlada Bosansko-podrinjskog kantona donese odluke u skladu sa odredbama Programa.

VIII Obavezni prilozi

Aplikanti su dužni dostaviti prijedloge Projekata u formi koja je propisana od strane Ministarstva za privredu Bosansko-podrinjskog kantona Goražde.

Forma Projekata može se preuzeti na službenoj web stranici Vlade BPK-a Goražde i isti mora biti elektronski popunjen i ovjeren od ovlaštenog lica.

Uz prijedlog projekta, aplikanti su obavezni priložiti svu dokumentaciju i dokaze naznačene na prijavi za Javni poziv koja se može preuzeti na službenoj internet stranici Vlade Bosansko-podrinjskog kantona Goražde.

IX Podnošenje prijedloga Projekata

Prijedlozi Projekata sa traženim priložima se dostavljaju u zatvorenoj koverti na adresu: Kantonalna uprava za šumarstvo - Ministarstvo za privredu, Bosansko-podrinjskog kantona Goražde
ul 1. Slavne Višegradske brigade br.2 a, Goražde 73000,
sa naznakom: za javni poziv za odabir korisnika sredstava po Programu utroška sredstava „Podsticaj za šumarstvo“ za 2021 godinu „NE OTVARAJ“

Rok za dostavljanje ponuda je 15 (petnaest) dana od dana objavljivanja Javnog poziva na oglasnoj ploči Bosansko-podrinjskog kantona Goražde i sredstvima javnog informisanja.

Sve dopunske informacije vezane za Javni poziv mogu se dobiti svakim radnim danom putem telefona broj 038/221 - 690 od 08,00 do 16,00 sati.

Broj: 04/II-11-329-1/21
Goražde, 02.12.2021.godine



DIREKTOR

Anes Salman